

**Láhkaásahus Finnmárkku šláddjes lastavuvddiid suodjalanplána birra.  
Juovlajotleagi álbmotmeahci suodjaleapmi Deanu gielddas, Finnmárkku fylkkas.**

Mearriduvvon Gonagasa geassemánu 29. b. 2007-mannosaš resolušuvnnain, geassemánu 19. b. 1970-mannosaš lága nr. 63 vuodul luonddugáhttema birra 8. paragráfas, gč. § 10 ja §§ 21, 22 ja 23. Birasgáhttendepartemeanta lea dan ovddidan.

**§ 1. Ráddjejuvvi**

Álbmotmeahcci guoská čuovvovaš dálлонr./doallonr. Deanu gielddas: 27/1.

Álbmotmeahcci gokčá su. 299 dekára sturrosaš areála.

Álbmotmeahci rájit bohtet ovdan Birasgáhttendepartemeantta kárttas mii lea beaiváduvvon geassemánus 2007 ja man mihttolávva lea 1: 5 000. Álbmotmeahci dárkilis rájit galget merkejuvvot eatnamii. Čiegat merkejuvvojit koordináhtaiguin.

Suodjalanláhkaásahus oktan kárttain galgá vurkkoduvvot Deanu gielddas, Finnmárkku fylkkamánni luhtte, Luondduhálddašandirektoráhtas ja Birasgáhttendepartemeanttas.

**§ 2 Ulbmil**

Suodjaleami ulbmil lea sealluhit measta lihkatkeahces lastavuovdeguovllu ekovuogá dahkan oktan buot lunddolaš šattodagain ja ealliiguin. Guovllu erenoamáš kvalitehta lea dan liekkasgáibideaddji šlájat mánggain iešgudelágan šattodatšlájain ráddjejuvvon guovllus. Guovlu lea erenoamáš sadji mas leat riikka davimus ránesleaibeuvoddit.

Álbmotmeahci luondduvuđđosa dikšun lea dehálaš sámi kultur- ja ealahusávkkástallamii. Guovllu galgá sáhttit geavahit boazodollui.

**§ 3 Suodjalanmearráduusat**

Álbmotmeahccái gustojit čuovvovaš mearráduusat:

1. Šattodat, dás maiddái jápmán muorat ja miestagat, galget suodjaluvvot buot vahágahttima ja bilideami vuostá. Luonddumeahcis ii leat lohpi váldit šattuid dahje šaddoosiid. Ođđa šaddošlájaid gilvin ja buktin dohko eatnamii ja sáivačáhcai lea gildojuvvon.
2. Eallit, dás maiddái beasit ja biejut, leat ráfáiduhthtojuvvon vahágahttima, bilideami ja dárbbasmeahtun ráfehuhttima vuostá. Ealliid ii leat lohpi buktit dohko ja luoitit daid dohko eallit.
3. Dakkár doaibmabijuid ii galgga čadahit, mat rievdadit luonddubirrasa, numo hukset visttiid ja rusttegiid, áidut ja hukset eará gitta ja gaskaboddasaš ráhkanusaid, guođdit kámpenvávnnaid, bráhkáid jed, fatnasiid giddet boijjaide dahje guođdit gáddái, bidjat eatnanbajábealláasaš jođđasiid, eanajođđasiid ja duolvačáhcebohciid, hukset geainnuid, roggat goivvohagaid ja eara láchkai goikadit eatnamiid, váldit, deavdit ja vurket mássa, luoitit kloáhka dahje eará čoahkaiduvvan nuoskkidanávdnasiid, guođdit doabbariid, duktet, kálket ja

geavahit kemikálaid luottahuhttinávnasin. Nuoskkideapmi lea gildojuvvon. Logahallan ii leat dievas.

4. Mohtorjohtolat eatnamis ja čázis, dás maiddáí áibmofievrru girdileapmi ja seaivun, lea gildojuvvon olggobealde ráhkaduvvon biilageainnu.
5. Álbmotmeahci geavahit lávvo- ja tealtaleairraide, valáštallanlágidemiide dahje eará stuorra lágidemiide lea gildojuvvon.
6. Luondduhálddašandirektoráhta sáhhtá vuhtiiválddidettiin ráfáiduhttinulbmila lálkkaásahusain gielldit dahje muddet johtolaga oppa álbmotmeahcis dahje dan osiin.

#### § 4 *Oppalaš spiehkastagat*

3. § mearráduusat eai hehte:

1. Militeara operatiiva doaimmaid dahje politiija-, gádjun-, ambulánsa-, buollinsuodjalus- ja bearráigeahččandoaimmaid, ja dakkár dikšun- ja hálddašandoaimmaid čađaheami, maid hálddašaneiseváldi lea mearridan. Hárjehallanvuodjin namuhuvvon doaimmaid oktavuodas gáibida sierra lobi.

3. § nr. 1-3 mearráduusat eai hehte:

2. Ortnegisdoallamis ráhkaduvvon geainnu, dás maiddáí vuovddi njárben geaidnoguoraid.
3. Geavaheames guovllu guohtumii.
4. Geavaheames goikeovssiid káfedollii.
5. Čoaggimis murjiid ja borramušguobbariid.
6. Bivdima ja gárduma fuođđolága vuodul ja guolásteami luossa- ja sáivaguolástanlága vuodul.
7. Čorgemis bálgáid.
8. Dárbbášlaš mohtorjohtolaga buohcci ja lápmašuvvan šibihiid viežžama oktavuodas. Dat fievru mii geavahuvvo, ii galgga olus golladit luonddu. Ovdalgo vuodjá galgá diedihit bearráigeahččui.
9. Ávnnasteami duoji várás.

3. § nr. 1-4 mearráduusat eai hehte:

10. Vuodjimis muohtaskuhteriin dohkkehuvvon muohtaskuhterláhtu mielde. Álbmotmeahcis ii leat lohpi earránit skuhterláhtus.
11. Vuodjimis muohtaskuhteriin dárbbu mielde boazodoalu oktavuodas.

#### § 5 *Vejolaš spiehkastagat ohcama vuodul*

Hálddašaneiseváldi sáhhtá ohcama vuodul addit lobi:

1. Čuohppat soggiiid iežas atnui.
2. Hukset šalddiid ja roviid, cegget galbbaid ja merket bálgáid.
3. Geavahit mohtorfievrru dárbbu mielde dálvesiivun muoraid geasehit.
4. Geasehit dárbbu mielde mohtorfievrruin báhččojuvvon ealgga.
5. Johtalit mohtorfievrruiguin dárbbu mielde bievlan boazodoalu oktavuodas.
6. Johtalit mohtorfievrruiguin dárbbu mielde hárjehallanvuodjima oktavuodas dakkár áigumušaiiguin, mat leat namuhuvvon 4. § 1. čuoggás.

Boazodoalu várás láhččojuvvo vejolašvuohta oažžut mánggajagáš lobiid, mat boazodoalus galget oktiordnejuvvot ja váldojuvvot mielde orohatplánii boazodoallolága vuodul, nu ahte ealáhusain sáhtta bargat dohkálaš vuogi mielde.

#### **§ 6** *Oppalaš sierralohpemearrádušat*

Hálddašaneiseváldi sáhtta spiehkastit láhkaásahusas go suodjaleami ulbmil dan gáibida, ja dieđalaš iskkademiid oktavuodas, servodahkii mearkkašahti mávssolaš bargguid oktavuodas dahje erenoamáš dilálašvuodaid oktavuodas go dat eai rihko suodjaleami ulbmila.

#### **§ 7** *Dikšun ja hálddašanplána*

Hálddašaneiseváldi, dahje dat geasa hálddašaneiseváldi fápmuda válldi, sáhtta čađahit dikšundoaibmabijuid maiguin ollašuhtta suodjaleami ulbmila. Sáhtta ráhkaduvvot hálddašanplána mas sáhttet leat dárkilet njuolggadusat dikšuma várás.

#### **§ 8** *Hálddašaneiseváldi*

Luondduhálddašandirektoráhta mearrida geas galgá leat hálddašanváldi dán láhkaásahusa vuodul. Sámi beroštusat galget fuolahuvvot dan hálddašanortnegis mii ásahuvvo.

#### **§ 9** *Fápmuiboahhtin*

Dát láhkaásahus boahhtá fápmui dálán.